

## ōta

nikī-ayān ōta kā-wāki-miywāsik  
ē-mosawahamān maskwa oskana  
ē-kwāhkosooyān āpihtā-tipiskāwi-pawātamowinikh  
ē-pimohtēyān ēkwa ē-pawātamān  
asici sīpihko-wīni kā-ayāyān  
tāpiskōc nikihc-āniskotāpanipanak

kī-pē-itisahwēwak awāsisa,  
ana kā-mōhcōwisisit kā-miyāwātahk awāsis  
kā-kī-kiskinwahamawit ta-nisitohtamān sōhkēyihtamowin

pimohtēhowin sāpo  
asinīwacīhk itē kā-kī-kisīpēkastēyān  
wāpiskāw-wāposo-sīpīhk kā-natomikawiyān,  
niwīhpēmākan asici.

mihcēt askiy kā-kī-pīkiskwēhtamān  
tāpwēwi-ācimowina,  
ahcahk asici.  
ē-astahcikohk wīnihk  
kiskisiwina nōtāmahokon tāpiskōc kā-piyēsiwik  
itē kā-timīwi-tipiskāk ē-isi-wēpahokoyān.

matotisāna pīhcāyihk nistikwānihk ēkwa nitēhihk  
sākaskinēwa yōspi-iskotēw, tahkikamin  
ta-minahikoyān  
ē-akociniyān nipākwēsimowināhtikohk.

© Louise B. Halfe – Sky Dancer

Parliamentary Poet Laureate

Translation: © Jean Okimāsis and Arok Wolvengrey, with Louise B. Halfe – Sky Dancer